



# საკანონმდებლო სიახლეები

03ნინსი - აგვისტო, 2022

## შინაარსი

**ცვლილებები საქართველოს ფინანსთა მინისტრის ბრძანებაში №996 გვერდი 1-2**

**სიტუაციური სახელმძღვანელოები**

**ცვლილებები საქართველოს საგადასახადო კოდექსში გვერდი 2-3**

**ცვლილებები საქართველოს ფინანსთა მინისტრის ბრძანებაში №994 გვერდი 3**



**სალომე ოდიშარია**  
საგადასახადო კონსულტანტი  
T: +995 (599) 195 040  
E: salome.odisharia@moore.ge



**თეონა აბდუშელიშვილი**  
პარტნიორი  
T: +995 (558) 506 006  
E: theona.abdushelishvili@moore.ge



**MOORE**  
T: +995 (322) 000 123  
E: info@moore.ge  
მისამართი: მარჯანიშვილის ქ. N6,  
მწვანე შენობა, 0102, თბილისი,  
საქართველო

## ცვლილებები საქართველოს ფინანსთა მინისტრის ბრძანებაში №996

საქართველოს ფინანსთა მინისტრის 2010 წლის 31 დეკემბრის ბრძანებაში №996, რომელიც გადასახადების ადმინისტრირებას შეეხება, შევიდა შემდეგი სახის ცვლილებები:

- 2022 წლის 14 ივნისის ცვლილებით, ახლებურად ჩამოყალიბდა 40 პრიმა 1 მუხლის მე-5 პუნქტის გ.ბ ქვეპუნქტი, კერძოდ, აღნიშნული ცვლილებით დაზუსტდა კაპიტალში შენატანის ან აქციის/წილის შესაძენად განხორციელებული გადახდის შემთხვევაში მოგების გადასახადისგან განთავისუფლებული პირის განმარტება. მოგების გადასახადისგან განთავისუფლებულ პირად განიხილება პირი, რომლის მიერ, მის კაპიტალში შენატანის განხორციელების ან/და მისი აქციის/წილის შეძენის წლის წინა კალენდარული წლის განმავლობაში მიღებული მოგების გადასახადით გათავისუფლებული შემოსავალი ამავე პერიოდში მიღებული შემოსავლის 30%-ს აღემატება;
- 2022 წლის 1-ლი ივლისით განხორციელებული ცვლილების მიხედვით, ამავე პერიოდთან, მენარმეთა და არასამენარმეთა (არაკომერციული) იურიდიული პირების რეესტრში ახლად რეგისტრირებული სუბიექტებისთვის (გარდა ფიზიკური პირებისა) შემოსავლების სამსახურის ავტორიზებული მომხმარებლის გვერდის აქტივაცია განხორციელდება ავტომატურად, საიდენტიფიკაციო ნომრის მინიჭებისთანავე, რა დროსაც პირს „ელექტრონული ფორმით კომუნიკაციის შესახებ“ განცხადებაში დაფიქსირებულ ტელეფონის ნომერზე მოკლე ტექსტური შეტყობინებით ეგზავნება ავტორიზებული მომხმარებლის გვერდზე გამოსაყენებელი სახელწოდებისა და პაროლის შესახებ ინფორმაცია. აღნიშნული ცვლილებით, გადასახადის გადახდელს შემოსავლების სამსახურის პირადი გვერდის აქტივაციისთვის აღარ მოუწევს შემოსავლების სამსახურის სერვის ცენტრში მისვლა ან ვიდეო-ზარის განხორციელება;
- 2022 წლის 11 ივლისით განხორციელებული ცვლილების შესაბამისად, დაზუსტდა საწარმოს/ორგანიზაციის ქონების გადასახადის წლიური დეკლარაციის შევსების წესი, კერძოდ, ცვლილება განიცადა 88-ე მუხლის მე-4 პუნქტის „ვ“ და „ზ“ ქვეპუნქტებმა. ძველი რედაქციისგან განსხვავებით, ვ ქვეპუნქტიდან ამოღებულ იქნა საქართველოს საგადასახადო კოდექსის 206-ე მუხლით გათვალისწინებული საგადასახადო შეღავათის ოდენობა და ჩანაცვლად ზოგადი ტერმინით „საქართველოს საგადასახადო კოდექსით დადგენილი შეღავათის ოდენობა“. ამასთან, ამავე ქვეპუნქტს დაემატა შენიშვნა საერთაშორისო კომპანიებისთვის, რაც გულისხმობს შემდეგს: საერთაშორისო კომპანიასთან მიმართებაში, აღნიშნულ სვეტში მიეთითება ქონების გადასახადის თანხა კალენდარული წლის განმავლობაში იმ თვეების პროპორციულად, რამდენ თვეშიც პირი ითვლებოდა საერთაშორისო კომპანიის სტატუსის მქონედ. რაც შეეხება 8 ქვეპუნქტს, აქაც მოხდა ტექსტის დაკონკრეტება და ჩაიწერა ზოგადი ტექსტი- მე-9 სვეტში: „შეღავათის საფუძველი“-მიეთითება საგადასახადო შეღავათის საფუძველი, საქართველოს საგადასახადო კოდექსის შესაბამისი ნორმა“;

## ცვლილებები საქართველოს ფინანსთა მინისტრის ბრძანებაში №996

- 2022 წლის 11 ივლისს განხორციელებული ცვლილების მიხედვით, ჩამოყალიბდა 66-ე (მე-5 პრიმა) მუხლი, რომელიც ეხება გამყვანი ტურიზმის სფეროსთვის მომსახურების განვების ადგილის განსაზღვრას სსკ-სგან განსხვავებული წესით. კერძოდ, თუ სსკ-ის 162 (1-ლი პრიმა) მუხლის (B2B, B2C პრინციპი) მე-3 ან მე-12–მე-14 ნაწილების მიხედვით, ტურისტული მომსახურების განვების ადგილად ითვლება საქართველოს ტერიტორია, მაგრამ ამ მომსახურებით ფაქტობრივი სარგებლობა ან/და მისი გამოყენება ხდება საქართველოს ტერიტორიის გარეთ, აღნიშნული მომსახურება განიხილება საქართველოს ფარგლების გარეთ განუვლად. აღნიშნული გულისხმობს იმას, რომ ასეთი მომსახურება არ დაიბეგრება დღგ-ით.

აღნიშნული ცვლილებით, ტერმინი „ტურისტული პროდუქტი“ ჩანაცვლდა ტერმინით „ტურისტული მომსახურება“. ცვლილების ძირითადი მიზნები გამომდინარეობს იქიდან, რომ თავიდანვე ტერმინი „ტურისტული პროდუქტი“ ინვევდა გაუგებრობას, ვინაიდან, განმარტების თანახმად, პროდუქტი მოიცავს რამდენიმე ტურისტული მომსახურების ერთდროულად განევას (მაგალითად: სასტუმროს დაჯავშნა, ავიაბილეთის შეძენა, დაზღვევა და ა.შ.), რაც იმას ნიშნავს, რომ ძველი რედაქციის მიხედვით, თუ მაგალითად ტურისტული კომპანია საზღვარგარეთ განევდა მხოლოდ ერთი ტიპის მომსახურებას (მაგალითად: სასტუმროს დაჯავშნას) შესაძლებელი იქნებოდა ეს მომსახურება დაბეგრულიყო დღგ-ით. ახალი ცვლილებით კი უკვე ერთი ტიპის მომსახურების განევაც კი არ დაიბეგრება დღგ-ით;

- 2022 წლის 15 ივლისს განხორციელებული ცვლილების თანახმად, დანართი №11-06-ის („გადახდის წყაროსთან დაკავშირებული გადასახადის დეკლარაცია“) III ნაწილი ჩამოყალიბდა ახალი რედაქციით, კერძოდ, საშემოსავლოს ყოველთვიური დეკლარაციის ძირითადი ნაწილის 67-ე, 68-ე და 69-ე უკრების შევსება სავალდებულო გახდა;
- 2022 წლის 1-ლი აგვისტოთი განხორციელებული ცვლილებით, დაკორექტირდა 112-ე მუხლის მე-13 პუნქტი, კერძოდ, 2022 წლის 31 ივლისი ჩანაცვლებული იქნა 2023 წლის 31 ივლისით და მიიღო შემდეგი სახე: „2023 წლის 31 ივლისის ჩათვლით შერჩეულ პირს არააქციზური საქონლის სავალდებულო მარკირების ნომინალური ღირებულება აუნაზღაურდება შემოსავლების სამსახურის მიერ, შერჩეულ პირთან გაფორმებული ხელშეკრულების საფუძველზე“;
- 2022 წლის 1-ლი აგვისტოთი განხორციელებული ცვლილებით, 81 პრიმა 1 მუხლს დაემატა შემდეგი შინაარსის მე-6 - მე-8 პუნქტები:

**პუნქტი 6.** თუ აქციზური/არააქციზური მარკებით ნიშანდებულ იქნა ამავე მარკების სახეობისთვის შეესაბამო საქონელი, შემოსავლების სამსახურის უფროსი უფლებამოსილია, ინდივიდუალური ადმინისტრაციულ-სამართლებრივი აქტის საფუძველზე, შესაბამისი მარკები ჩათვალოს დაბრუნებულად და უტილიზირებულად, თუ შესრულდება ქვემოთ მოცემული ყველა პირობა:

ა) საბაჟო საწყობში განხორციელდა ან/და სავალდებულო ორგანოს მიერ გამოვლინდა არასწორი ნიშანდება;

ბ) აქციზური/არააქციზური მარკებზე სრულყოფილად იდენტიფიცირდება შესაბამისი რეკვიზიტები;

გ) შერჩეული პირისთვის და სავალდებულო ორგანოსთვის წარდგენილია ინფორმაცია (რეესტრი) შესაბამისი საქონლის დასახელების, რაოდენობის და მათზე დაკრული აქციზური/არააქციზური მარკების სერიული ნომრის/სერიული ნომრის დიაპაზონის მითითებით. აღნიშნული ინფორმაციის (რეესტრის) სისწორე ხელმოწერილი და ბეჭდით დამონმებულია (არსებობის შემთხვევაში) გადასახადის გადამხდელის მიერ მონვეული დამოუკიდებელი აუდიტორის მიერ.

**პუნქტი 7** ამ მუხლის მე-6 პუნქტით გათვალისწინებულ შემთხვევაში:

ა) შესაბამისი ინფორმაციის (რეესტრის) წარდგენიდან შემოსავლების სამსახურის უფროსის ინდივიდუალური ადმინისტრაციულ-სამართლებრივი აქტის გამოცემამდე, სავალდებულო ორგანო უფლებამოსილია ადგილზე გადაამოწმოს ფაქტობრივი გარემოებები და წარმოდგენილი ინფორმაციის სისწორე;

ბ) გადასახადის გადამხდელი ვალდებულია შერჩეულ პირს და სავალდებულო ორგანოს წარუდგინოს:

ბ.ა) შემოსავლების სამსახურის უფროსის ინდივიდუალური ადმინისტრაციულ-სამართლებრივი აქტის ჩაბარებიდან 10 სამუშაო დღის ვადაში, მის მიერ მონვეული დამოუკიდებელი აუდიტორის მიერ ხელმოწერილი და ბეჭდით დამონმებული (არსებობის შემთხვევაში) აქტი შესაბამისი მარკების განადგურების შესახებ;

ბ.ბ) არაუგვიანეს საქონლის მიწოდებისა ან საბაჟო საწყობიდან გატანის მომენტისა, ინფორმაცია (რეესტრი) შესაბამისი საქონლის დასახელების, რაოდენობის და მათზე დაკრული ძველი და ახალი მარკების სერიული ნომრების/სერიული ნომრების დიაპაზონების მითითებით.

**პუნქტი 8.** გადასახადის გადამხდელის მიერ ამ მუხლის მე-7 პუნქტის „ბ“ ქვეპუნქტით გათვალისწინებული ვალდებულების შესრულებლობის შემთხვევაში, შემოსავლების სამსახურის უფროსის ინდივიდუალური ადმინისტრაციულ-სამართლებრივი აქტი გამოცხადდება ბათილად.

## გამოიცა შემდეგი ახალი სიტუაციური სახელმძღვანელოები:

1. [ხელშეკრულების ბათილობისას სავალდებულო ვალდებულებების განსაზღვრა N 2548](#)
2. [არარეგისტრირებისათვის გადახდილი საიჯარო მომსახურების თანხა N 2006](#)
3. [განთავსებული კაპიტალის შემცირება N 2547](#)

## ცვლილებები საქართველოს საგადასახადო კოდექსში

- 2022 წლის 23 ივნისს საქართველოს საგადასახადო კოდექსის 82-ე მუხლის მე-2 ნაწილის ა.გ“ ქვეპუნქტში შეტანილ იქნა ცვლილება.

## ცვლილებები საქართველოს საგადასახადო კოდექსში

კერძოდ, ცვლილების განხორციელებამდე საშემოსავლო გადასახადით არ იბეგრებოდა კალენდარული წლის განმავლობაში მარტოხელა დედის მიერ 3000 ლარამდე მიღებული დასაბეგრი შემოსავალი, ხოლო ახალი რედაქციის მიხედვით, საშემოსავლო გადასახადით არ იბეგრება კალენდარული წლის განმავლობაში მარტოხელა მშობლის მიერ 3000 ლარამდე მიღებული დასაბეგრი შემოსავალი.

შეგახსენებთ, რომ მარტოხელა მშობლის ცნება განმარტებულია საქართველოს იუსტიციის მინისტრისა და საქართველოს შრომის, ჯანმრთელობისა და სოციალური დაცვის მინისტრის ერთობლივი ბრძანებით №79/№01-18/ნ;

- 2022 წლის 30 ივნისს განხორციელებული ცვლილებით, საქართველოს საგადასახადო კოდექსის 309-ე მუხლს დამატდა 115 პრიმა 1 ნაწილი, რომლის მიხედვითაც, ქონების გადასახადისგან, რომლის დეკლარირება საქართველოს საგადასახადო კოდექსით 2022 წელს არის გათვალისწინებული, თავისუფლდება ამავე ნაწილის „ა“-„დ“ ქვეპუნქტებით განსაზღვრულ, ქვემოთ მოცემულ საქმიანობებში გამოყენებული ქონება, გარდა მინისა:

ა) 55.1 კოდიტ (სასტუმროები და განთავსების მსგავსი საშუალებები) ან/და 55.2 კოდიტ (დასასვენებელი და სხვა მოკლევადიანი განთავსების საშუალებები) გათვალისწინებულ საქმიანობაში გამოყენებული ქონება;

ბ) 56.1 კოდიტ (რესტორნები და საკვებით მობილური მომსახურების საქმიანობები) გათვალისწინებულ საქმიანობაში გამოყენებული ქონება;

გ) 56.3 კოდიტ (სასმელებით მომსახურების საქმიანობები) გათვალისწინებულ საქმიანობაში გამოყენებული ქონება;

დ) 79 კოდიტ (ტურისტული სააგენტოები, ტურ-ოპერატორები და სხვა დაჯავშნის მომსახურება და მათთან დაკავშირებული საქმიანობები) გათვალისწინებულ საქმიანობაში გამოყენებული ქონება.

მიუხედავად აღნიშნული შეღავათისა, საწარმო/ორგანიზაცია არ თავისუფლდება ამ კოდექსის 205-ე მუხლის მე-3 ნაწილით გათვალისწინებული ქონების გადასახადის მიმდინარე გადასახდელისაგან, რომელიც გადაიხდებიან გასული საგადასახადო წლის წლიური გადასახდის ოდენობით, არაუგვიანეს საგადასახადო წლის 15 ივნისისა.

**შენიშვნა:** ამ ნაწილით გათვალისწინებული საგადასახადო შეღავათი ვრცელდება იჯარით, ლიზინგით ან სხვა ამგვარი ფორმით გადაცემულ ქონებაზეც, თუ ეს ქონება ამავე ნაწილით განსაზღვრულ რომელიმე საქმიანობაში გამოიყენება.

## ცვლილებები საქართველოს ფინანსთა მინისტრის ბრძანებაში №994

საქართველოს ფინანსთა მინისტრის 2010 წლის 31 დეკემბრის ბრძანებაში №994, რომელიც მიმდინარე კონტროლის პროცედურების ჩატარების, სასაქონლო-მატერიალურ ფასეულობათა ჩამოწერის, აღიარებული საგადასახადო დავალიანების დაფარვის, საგადასახადო დავალიანების გადახდებიანების უზრუნველყოფის ღონისძიებების განხორციელების, სამართალდარღვევათა საქმისწარმოების წესს შეეხება, შევიდა შემდეგი სახის ცვლილებები:

- 2022 წლის 22 ივნისს განხორციელებული ცვლილების თანახმად, ახალი რედაქციით ჩამოყალიბდა 38 პრიმა 1 მუხლის მე-3 და მე-4 პუნქტები, რომლებიც ეხება „დროებით ამოუღებელი დავალიანების“ განსაზღვრის წესს.

ცვლილების შედეგად, არსებითად არ შეცვლილა საგადასახადო დავალიანების „დროებით ამოუღებელ დავალიანებად“ მიჩნევის ძირითადი წესი, თუმცა მოხდა სსკ-ით დადგენილი ხანდაზმულობის ვადის გათვალისწინება და გარკვეული ოკუპირების წარდგენის ვალდებულების დამატება.

## მეთოდური მითითება „სამეურნეო ოპერაციის კვალიფიკაციის ცვლილების შესახებ“

შემოსავლების სამსახურის უფროსის 2022 წლის 28 ივლისის №20231 ბრძანებით დამტკიცდა მეთოდური მითითება „სამეურნეო ოპერაციის კვალიფიკაციის ცვლილების შესახებ“, რომელიც სსკ-ის 73-ე მუხლის მე-9 ნაწილის „ბ“ ქვეპუნქტს ეხება.

აღნიშნული მეთოდური მითითება შეგიძლიათ იხილოთ ამ ბმულზე:

- ➔ [მეთოდური მითითება „სამეურნეო ოპერაციის კვალიფიკაციის ცვლილების შესახებ“](#)



## ჩვენ შესახებ

MOORE abc წარმოადგენს აუდიტორული და საკონსულტაციო ფირმების გლობალური ქსელის “Moore Global Network Limited“- ის წევრ კომპანიას. Moore Global - ი წარმოადგენს საბუღალტრო და ბიზნეს საკონსულტაციო კომპანიას რომელიც მსოფლიოს 114 ქვეყანაშია წარმოდგენილი. 2019 წლისათვის ქსელის საერთო შემოსავალმა შეადგინა 3.05 მილიარდი აშშ დოლარი.



**>114**  
ქვეყანაში



**>260**  
წიგნი




**>579**  
ოფისი



**>30,809**  
თანამშრომელი

MOORE abc არის ერთ-ერთ ლიდერი კომპანია ქვეყანაში, რომელიც 2008 წლიდან უწევს საბუღალტრო და საგადასახადო აღრიცხვა-ანგარიშების, ქონების შეფასების, აუდიტსა და დაკავშირებულ პროფესიულ მომსახურებას მთელი საქართველოს მასშტაბით.

## ჩვენი სერვისები



[www.moore-georgia.ge](http://www.moore-georgia.ge)